

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva zdravstva, Vlada Zeničko-dobojskog kantona, na 142. sjednici, održanoj 21.08.2026. godine,
d o n o s i

Z A K L J U Č A K

I

Prima se na znanje Informacija Ministarstva zdravstva Zeničko-dobojskog kantona, broj: 11-04-15075-4/26 od 20.08.2026. godine, koja je sastavni dio ovog zaključka.

II

Zaključak stupa na snagu danom donošenja.

Broj: 02- /26
Datum, 21.08.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,
1x JU Kantonalna bolnica Zenica, putem Ministarstva,
1x a/a.

INFORMACIJA

Cilj Informacije je upoznati Vladu Zeničko-dobojskog kantona sa prijedlogom za stupanje u parnicu u svojstvu umješaka Pravobranilaštva Zeničko-dobojskog kantona, a koji je JU Kantonalna bolnica Zenica aktom broj: 01-04-6231/26 od 04.08.2026. godine dostavila Ministarstvu zdravstva Zeničko-dobojskog kantona na dalje postupanje.

U prijedlogu za stupanje u parnicu u svojstvu umješaka Pravobranilaštva Zeničko-dobojskog kantona, JU Kantonalna bolnica Zenica navodi da se vodi spor po tužbi Grada Zenica radi potraživanja Grada Zenica na osnovu zakupnine za prostor kompleksa Bolnice. Dalje je navedeno da bi u slučaju usvajanja tužbenog zahtjeva nastala obaveza plaćanja zakupnine, za što bi se morala planirati finansijska sredstva u Budžetu Zeničko-dobojskog kantona. Po navedenom tužbenom zahtjevu zakazano je ročište dana 01.09.2026. godine.

Ministarstvo zdravstva je navedeni prijedlog aktom broj: 11-04-15075-1/26 od 07.08.2026. godine prosljedilo Pravobranilaštvu Zeničko-dobojskog kantona na dalje postupanje. Uz prijedlog Pravobranilaštvu Zeničko-dobojskog kantona dostavljen je Zaključak Vlade Zeničko-dobojskog kantona broj: 02-11-9328/26 od 08.05. 2026. godine i Zaključak Skupštine broj: 01-11-10999/26 od 02.06.2026. godine, o čemu je aktom Ministarstva zdravstva broj: 11-04-15075-3/26 od 11.08.2026. godine obaviještena JU Kantonalna bolnica Zenica.

Istovremeno, navedeni akti dostavljeni su na uvid Stručnoj službi Vlade aktom broj: 11-04-15075-2/26 od 07.08.2026 godine i Uredu premijera aktom broj: 11-04-15075-2-1/26 od 07.08.2026. godine, o čemu je Ministarstvo zdravstva također obavijestilo JU Kantonalna bolnica Zenica.

Zaključkom Vlade Zeničko-dobojskog kantona broj: 02-11-9328/26 od 08.05.2026. godine, primljena je na znanje informacija Ministarstva zdravstva broj: 11-11-14976-6/25 od 05.05.2026. godine, koja čini sastvni dio Zaključka, a u vezi problematike imovinsko-pravnih odnosa između JU Kantonalna bolnica Zenica i Grada Zenica.

Tačkom II navedenog Zaključka navedena informacija je upućena u skupštinsku proceduru.

Na 52.sjednici Skupštine Zeničko-dobojskog kantona održanoj dana 02.06.2026. godine, nakon razmatranja Informacije donesen je Zaključak broj: 01-11-10999/26 od 02.06.2026. godine koji je prilog ovoj Informaciji.

Ministarstvo zdravstva je dana 12.08.2026. godine, zaprimilo akt Kantonalnog pravobranilaštva broj: R-152/26 od 11. 08.2026. godine, kojim je dostavljeno izjašnjenje na prijedlog JU Kantonalna bolnica Zenica. U izjašnjenju je navedeno da bi umješač, u ovom slučaju Zeničko-dobojski katon, imao pravni interes kada bi odluka u ovoj parnici djelovala na njegove pravne odnose, što prema mišljenju Pravobranilaštva nije slučaj. Prema mišljenju Kantonalnog pravobranilaštva, pravni interes bi postojao kada bi pravni položaj umješaka (eventualno Zeničko-dobojskog kantona) bio poboljšao, ako bi stranka kojoj se pridružio (JU Kantonalna bolnica Zenica) uspjela u parnici, odnosno pogoršao ako bi ga izgubila, iz razloga što ekonomski i drugi nepravni interes, ne bi bio dovoljan za miješanje u parnicu. Prema stavu ovog Pravobranilaštva takav ekonomski interes ne daje ovlaštenje Kantonu da u parničnom postupku učestvuje u svojstvu umješaka.

Navedeno izjašnjenje Kantonalnog pravobranilaštva dostavljeno je JU Kantonalna bolnica Zenica aktom Ministarstva zdravstva broj: 11-04-15075-3-1/26 od 14.08.2026. godine.

JU Kantonalna bolnica Zenica je aktom broj: 01-04-6664/26 od 20.08.2026. godine, obrazložila zahtjev za stupanje u parnicu u svojstvu umješača Zeničko-dobojskog kantona u predmetu broj: 43 0 Ps 268 221 25 Ps koji je prilog ovoj Informaciji.

Članom 12. Zakona o pravobranilaštvu („Službene novine Zeničko-dobojskog kantona broj: 12/13) propisano je da u poslovima zastupanja pravobranilaštvo kao zakonski zastupnik Kantona, odnosno općine, preduzima pravne radnje i pravna sredstva radi zaštite imovine, imovinskih interesa Kantona, odnosno općine, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, odnosno općine kad je na to ovlašteno zakonom.

Imajući u vidu naprijed navedeno, kao i činjenicu da rješavanje imovinsko-pravnih odnosa između JU Kantonalna bolnica Zenica i Grada Zenica predstavlja javni interes za građane Zeničko-dobojskog kantona, Ministrica zdravstva predlaže Vladi Kantona da usvoji predloženi zaključak kojim se prima na znanje Informacija Ministarstva zdravstva, te da nakon razmatranja Informacije Vlada zauzme stav o stupanju u parnicu Pravobranilaštva Zeničko-dobojskog kantona u predmetni spor.

Prilog:

1x dopis JU Kantonalna bolnica Zenica broj: 01-04-6231/26 od 04.08.2026 godine,
1x dopis Ministarstva zdravstva broj: 11-04-15075-1/26 od 07.08.2026. godine,
1x zaključak Vlade Zeničko-dobojskog kantona broj: 02-11-9328/26 od 08.05.2026. godine,
1x zaključak Skupštine broj: 01-11-10999/26 od 02.06.2026. godine,
1x dopis Ministarstva zdravstva broj: 11-04-15075-2/26 od 07.08.2026 godine,
1x dopis Ministarstva zdravstva broj: 11-04-15075-2-1/26 od 07.08.2026. godine,
1x dopis Ministarstva zdravstva broj: 11-04-15075-3/26 od 11.08.2026. godine,
1x izjašnjenje Kantonalnog pravobranilaštva broj: R-152/26 od 11. 08.2026. godine,
1x dopis Ministarstva zdravstva broj: 11-04-15075-3-1/26 od 14.08.2026. godine,
1x dopis JU Kantonalna bolnica Zenica broj: 01-04-6664/26 od 20.08.2026. godine.

Broj: 11-04-15075-4/26
Zenica, 20.08.2026. godine

MINISTRICA

dr Aida Salčinović